

Pwogram Asistans Chomaj pou Pandemi a (Pandemic Unemployment Assistance, PUA) ap pran etap enpòtan pou pwoteje idantite ou ak pou garanti li se sèlman moun ki kalifye pou avantaj yo ki resevwa yo. Youn nan etap sa yo se mande prè idantite ou pou Depatman Asistans pou Chomaj (Department of Unemployment Assistance, DUA) ka valide reklamasyon ou a epi fè pwosesis peman an ale pi vit.

Tanpri, li enstriksyon yo ak anpil atansyon pou evite reta nan tretman reklamasyon ou an.

Enpòtan:

REPONN demann pou prè idantite ou sa a menm si ou pa resevwa PUA ankò. Si ou pa reponn avan **DAT LIMIT** la, nou pral koupe avantaj PUA ou yo, epi ou pral oblije remèt avantaj PUA ou te deja resevwa yo.

DAT LIMIT pou bay prè idantite ou a make sou lèt DUA te voye ba ou pa lapòs la. Ou dwe bay TOUT enfòmasyon yo mande yo avan DAT LIMIT la. Si ou pa bay tout enfòmasyon nou mande yo, nou pral koupe peman avantaj PUA ou yo.

ENSTRIKSYON:

Ou dwe transfere tout prè idantite ou yo yon sèl kou. Ou pa ka sovgade yo epi retounen pou fini pita.

Si ou pa ka transfere dokiman yo ou menm, tanpri rele (877) 626-6800 pou yo ka ede ou. Si ou voye dokiman yo bay DUA pa lapòs, li pral pran plis tan pou travay sou reklamasyon ou an.

Tanpri li tout etap avèk atansyon, epi asire w ou gen tout bagay ou bezwen anvan ou kòmanse.

KONSÈY: Chèche tout dokiman prè idantite ou bezwen pou ranpli etap yo anba a. Pran foto klè devan ak do tout dokiman yo, epi sovgade yo nan telefòn oswa òdinatè ou. Si foto yo twoub sa vle di li ka pran plis tan pou travay sou reklamasyon ou an. Apre ou fin pran tout foto ou bezwen yo, ale nan premye etap la.

ETAP 1: Mete nimewo **IDANTIFIKASYON LÈT** ki anwo sou lamen dwat lèt la. Nimewo IDANTIFIKASYON LÈT la kòmanse ak "L" epi 10 chif.

Nimewo IDANTIFIKASYON LÈT mwen an se: _____

ETAP 2: Prèw Nimewo Sekirite Sosyal:

- Si ou gen kat Sekirite Sosyal ou, tanpri transfere yon foto koulè devan an ak do kat la.
- Si ou pa gen kat Sekirite Sosyal ou, y ap aksepte yon foto koulè nenpòt dokiman ki endike anba a ki montre **non ou ak tout nimewo Sekirite Sosyal ou**, epi ou ka transfere li nan plas kat Sekirite Sosyal la.
 - Dènye Fòm IRS 1099 (2019 ap pi bon) (n ap aksepte nenpòt 1099 depi li gen non ou ak nimewo sekirite sosyal konplè ou)
 - Dènye Fòm IRS W2 (2019 ap pi bon)
 - Dènye Fòm K-1 (2019 ap pi bon)
- Si ou pa gen okenn nan dokiman sa yo, nou rekòmande ou ale sou sitwèb Administrasyon Sekirite Sosyal la pou mande yon ranplasman kat Sekirite Sosyal : <https://www.ssa.gov/ssnumber/>. Apre ou fin resevwa kat ranplasman ou a, tanpri retounen sou sitwèb sa a pou bay tout enfòmasyon nou mande yo.

ETAP 3: Prèw Idantite ak Adrès:

- Pi bon fason pou bay prèw idantite ak adrès ou se lè ou transfere yon foto koulè DEVAN ak DO Lisans Chofè oswa kat idantite RMV te ba ou Rejis Veyikil-a-motè (Registry of Motor Vehicles, RMV) te ba ou.
 - Nou pa p aksepte okenn lisans ki te ekspire avan 1ye fevriye 2020.
 - Si adrès ki sou lisans la pa koresponn ak adrès kay ou oswa adrès ou ka resevwa lèt ki sou reklamasyon PUA ou a, ou DWE voye yon kopi yon bòdwo pou yon sèvis piblik oswa kat kredi resan (2020 ap pi bon) ki gen non ou ak adrès ki koresponn ak adrès la (swa adrès ou resevwa lèt oswa adrès kay ou) ki sou reklamasyon ou.
- Si ou PA gen yon lisans chofè oswa yon kat idantite RMV ki nan lis pi wo a ou ka transfere yon foto koulè nenpòt youn nan dokiman ki nan lis anba a. Dokiman yo pa dwe gen yon dat ekspirasyon ki anvan 8 mas 2020. Si dokiman an pa gen okenn dat ekspirasyon, dat ou te resevwa li a ta dwe nan senk dènye ane yo oswa mwens:
 - Idantifikasyon Militè (foto devan ak do)
 - Paspò (foto paj ki gen foto ou ak paj avan ki di “We The People” epi ki gen siyati ou sou li)
 - Kat Global Entry (foto devan ak do)
 - Kat Idantite Lekòl Segondè (sèlman pou ki poko gen 18 tan. Foto devan ak kat la)
 - Nenpòt lòt kat idantite (devan ak do) yon ajans federal oswa eta te ba ou epi ki gen TOUT twa bagay sa yo:
 - Non konplè ou
 - Yon foto ou ki klè
 - Dat ou te fèt
- **Si pyès idantite ou bay la se pa Lisans Chofè ou** - si pyès idantite a pa gen yon adrès sou li, oswa adrès la pa koresponn ak adrès aktyèl ou, tanpri transfere on kopi yon bòdwo sèvis piblik oswa kat kredi ki montre non ou ak adrès ou koresponn ak adrès la (swa adrès ou resevwa lèt oswa adrès kay ou) ki sou reklamasyon ou.

ETAP 4: Lòt etap ki pa obligatwa men ki ka ede ak travay sou reklamasyon ou a:

- ☐ Voye yon foto koulè ki klè avèk ou menm ki kenbe pyès idantite a (Lisans Chofè, Idantifikasyon Militè, Paspò, elatriye) ou te transfere pandan ou montre devan pyès idantite a.

ETAP 5: Dènye Verifikasyon Avant ou antre "SUBMIT" (soumèt)

Anvan ou antre "SUBMIT" asire w ou telechaje TOUT bagay sa yo sou sit la:

- ☐ Prèw Nimewo Sekirite Sosyal ak Non (gade Etap 2)
- ☐ Lisans chofè OSWA lòt pyès idantite jan li endike anwo a (Gade Etap 3)
- ☐ Foto ki pa Obligatwa a (gade Etap 4)